

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Eyne Summa der christlichen Leer, die Gott yezundt
widerumb der Welt geben hat**

Melanchthon, Philipp

[S.l.], 1524

[urn:nbn:de:bsz:31-289206](https://nbn-resolving.org/urn:nbn:de:bsz:31-289206)

a. p̄is Alberici potentia
 lem primo vocabat. Al-
 ctionē cū magnatib⁹ ini-
 creari pontificē obtinuit
 lū pontifici. s̄ cuiuscūq; pri-
 vationis (cui se totum de-
 tū rome duo consules ex-
 ir summe rez p̄essent. Et
 Ex plebe aut̄ creati singu-
 l⁹ vicē consilijs delibera-
 nḡratus annuos accipie-
 stanū tudertinūq; agros
 itinūq; ad urbē pertinet
 tauian⁹ itaq; potētia ī sa-
 is nequaq; conueniēs si-
 les litteris ottonē obse-
 oannūq; duodecimi ven-
 ā. Quorū ioannes vter-
 nilesq; l̄ras ad othonem
 nterim dū otto expecta-
 cūdia ei⁹ erat impotens
 ez mutilauit. hāc obrem
 rificētissime suscipitur.
 onieq; titulo. Translato
 stimāt. Cōposito aliq̄n-
 itūq; deterrens. ad vtu-
 bis eum cerneret. ad mi-
 e fere aliquādiu delituit.
 multi habent scriptores
 o. mense tercio. die q̄nto

iacono in seditione pōti-
 one factioneq; cōuncti
 tū b̄ndictū in petri ap̄lo

Linea summōꝝ pontificū
 Joannes duodecimus



Benedictus quintus



Leo octauus




71 A 4697 R

127



Orto non vltra vdisco



**Eyne Summa d
Christlichen leer :**

die Gott yezundt wi
derumb der welt
geben hat/
An dem Landtgrauen
von Hessen.

Philip. Melanchthon

1 1 5 2 4

lede d' Romano Pontifice locatur. Pa cu intere...

werckenn erfossenn / das sie auch / auff das yhr ding ni
cht gar nichts sey / sich vnterstehenn widder Gott yhr
heucheley czunerfechten / Der wenigst teyll auff erden
nympt das Euangelion an / aus furcht des zorns got
tes / auff das yhn mitt der predig vom glawbenn mo
cht geholffen werden / wenn sie yhr leben vund gewissen
darnach richten .

Nun ist es yhe war / das Gott vmb keyner sünde wil
len also seh; zorn / also wenn man seyn wort vnd Euan
gelium veracht vund nicht annympt / Darumb sollem
fleyssig auffsehen haben alle die etwas yn dem Luthes
rischen handell seczen vund abseczen wollen (denn das
Luther das Euangelium lere ist vnlaugbar) auff
das sie ia dem Euangelio keyn vnerhe thunn / Denn
Christus wort ligt da / damitt er fur schadenn warnt /
alle die an yhn lauffenn / vund seyn wort lestern / Wer
auff denn steyn felt / der wird czuschellen / auff wilchen
aber er felt denn wird er czum almenn / Derhalbenn ist
das der beste radt das mann ynn disen leufftenn Got
tes wort vund gepot fur augenn habe / wie denn Gott
befolhen hat / Esaie . viij . Von Gott soll das volck ges
sicht foddern von denn lebendigen vund todtem / vund
zuffucht haben / czum gesecz vnd zeugnis Gottes . Alle
die sich iczund czu vnser czeit vnterstehen dise sache czu
vrteylen / bringenn mitt sich denn altenn branch vnser
vorfarn / der veter spruch / die sie nie recht verstandenn
haben / vund yhrer tullen vernunfft blindes vrteyll S .
Paul wyl / wir sollen nach Gottes wort ynn denn sa
chen die Gott an gehenn vrteyll felleim / Denn er sagt /

A ij Bottis

Bottes wort sey vns vonn hymell herab gegeben/auff
das wyr durch dasselb geleit/vnterricht werden vnn
erkennen/was Got von vns fodert vnn habenn will/
darynne wyr yhme mugen dyenen/vnd S. Peter be-
silht der schrifft vnd Bottes wort czu uolgem /als ey-
nem brinnenden liechte/das vns den weg weyssett ynn
diser finsternis.

Zwen punct seyn darumb man sich zu vnsern zeytten
haddert / Der erst/wo durch mann doch recht frum
vnn Ch:isten werde. Der ander/was man von mens-
schen lere vnn saszung halten sol. Die seynd nun vi-
el die es da fur haltenn/mann fechte nur mitt wortenn
sonst sey die lere vnn sache fast eyns/vnn sey ane not/
das mann also leychtfertig vnn nerrisch hieruber sich
hadder / Es sey auch darumb angefangenn / das die
es angefangen haben/eyn namen yber kommen.

Aber wan man die sache an tag leget/das sie yder
man verstehett/so eugenn sich treffliche / grosse /nottig-
ge vrsachen dise lere ch:istlich czu lebenn aller welt ann-
schewen czu eroffen. Der halben wil ich nun meyn mey-
nung sagen vonn dem ersten punct/Worynne do stehe
eyn rechtschaffene fromk:eyt die fur Gotte gilt.

Christus gepent am ende des Euangelij Luce zu pre-
digen aller welt/Buss vnn vergebung der sundenn ynn
seynem namen. Daraus man lernt was das Euan-
gelium sey / vnn was er art die gerechtic:eyt sey / die
durch Christus vnn der Apostel predig der ganzenn
welt offenwart ist.

Zum ersten

Zum ersten/das Euangelion ist eyne predige vonn
der Bußs vnnnd von der vergebung der funde/ Zum
andern/Christliche gerechtikeyt vñ frumckeit besteht
ynn dem/wann das vnruhgig gewissen getrost wird /
ynn eyner trostlichen zuvorsicht zu Christo/wan es ent
pfindtt Gottes gnade vnnnd vergebung der funde vmb
Christus willenn/vmb wilchs gehorsams willenn vn
serm vngehorsam vnnnd sundenn verschont wird /vnnnd
dis geschicht nicht mit eym eusserlichen scheynn wann
man sich steltt als busse mann/vnnnd erticht yhm selbs
eyn gute meynung/Sonder gleych wye das Euange
lium rechtschaffen denn glawbenn leret an alle lugenn
vnnnd menschlichen zusatz/also verdampft es alle heuch
ley vnnnd getichte frumckeit/es sey ynn busßen oder sonst
ynn menschluber vernunfft erweltem wolmeynenn.
Des heyligenn geysts art vnnnd eygen werck ist es/eym
yczlichen menschen seyns herczenn grundtt suppe vnnnd
funde czu entdecken / damit er schrecke vnnnd verzagtt
mache die gewissen/auff das sie/die weyl keynn hulff
bey yhn ist/verursacht werden Christus zusagen zuuer
trawen / der fur vnser funde genug hat gethann/vnnnd
sagtt vns czu vergebung der funde ann alle vnser ver
dinst/aus lauter gnaden/vnnnd barmherzickeit/Ober
das/so ist es eyn sonderlich werck des heyligen geysts/
wan sich yemand fur Gottes gericht furcht vnnnd darna
ch widderumb trost / fride vnnnd freude entpfehett /
Denn wu er das hercz nicht rurtt /so wird nyemandtt
seyner funde gewar/furchtt Gottes gericht nicht/ge
denckt auch nicht eyn mal seyenn lebenn czu bessern/als
Christus selbst sagt Johan. vi. Nyemant kemmet zu
A iij myr den

myr den der vater nicht zuecht vnd locket / vnd Esaias
keyns menschen hercz hat noch nie begreyffen mogenn
was Gott zugericht hatt denn die yhn liebenn / vnn
Paulus / Eyn mensch der nach der vernunft lebett /
erkennet nicht was der heylige geyst wircktt vnn
bet. Denn ab du wol horest wie greulich got zu stra
ffen drawett / widderumb wie gnedig er hulff zusagtt /
Dennoch kan deyn hercz derem keynen gleubenn / stel
le dich wie du wilt / wu der heylig geyst dich das nichtt
ymerlich lernt. Ist es nit also ? Wans vns woll gehett
so gedencck wyr Gott sey gar vnser freundtt / das er
auch nicht konne zurnenn / ab er schon wolde / Wider
umb so vns etwas ansichtt haltenn wyr Gott also fur
eyn strengen richter / das er vnser nichtt eyn mal geden
cke / wann wyr yhn auch tag vnd nacht bitten / werdenn
auch eygentlich vnn gewisslich nymmer gewar das
er fur vns als ein vater sozge ym leydem vnd sterben /
wie auch die thum / Ezech . vii . Gott sichts nicht / Got
hat die erdenn gar verlassen / Darumb brauchet dises
Kampffstucks der heylige geyst / das er die sunde gros
mache / mitt Gottes gerichte / damitt Gott die sunde
straffenn will / die gewissenn erschrecke / durch die predi
ge der busse / vnn mache die gewissen widderumb fro
lich durchs Euangelionn / das ist / wann sulchenn elen
den geengsten gewissenn verkundiget wird vergebung
der sunde .

Wann nun des sunders hercz denn ernst des zorns
Gottes / vnn seyner barmherzikeyt reychtumb erken
net / als denn hebett es an vonn Gott viel zu haltenn /
gloebt

glaubt vnd trawet ym / helt sich an yhn / wenn es yhm
vbel gehtt / furchtt yhn auch / **Summa Summarum**
Es helt yhn fur denn / der seyn augen auff vns gericht
habe / der do kann vnd wolle rechen vnd seligenn die
auff yhn trawen. Auff die weyse gebirtt der heylige
geyst ym herzen den glauben / Gottes forcht / verleng
kung vnser selbs / keuscheyt / erlichen wandel vnd die
fruchte die **S. Paul** erzelet **Gal. v.** Vnd da wirds
war das **Dierennias** verkundiget hat / **Gott** wird sch
reyben seyn geseze nicht yn steyrerne Taffell / sondern
mit dem finger Gottes yn der gelnbigen herze .

So ist nun die **Christliche** vnd **Euangelische** frum
Keyt / nichts anders denn so das er schrocken gewissenn
getrost wird / durch den glauben an **Ihesum Christu** /
ynn welchem wyr erkennen weye geneygt **Gott** sey sich
vnser zu erbarmen / So hat **Christus** selbst das ewige
leben beschryeben . **Johan . xvij.** Das ist das ewige le
ben / das sie dich das du alleyne warer **Gott** bist / vnd
den du gesand hast **Ihesum Christ** / erkennen .

Das ewige leben ist die selbige rechtschaffene frum
Keyt / die das **Euangelium** predigt / welche **Christus**
nennet seyns vaters vnd seyn selbs erkentnis . Daraus
kannst du schliffen / das das nichtt ist **Gott** kennen / weye
die heuchler vnd menschlich vernunfft sich euserlich
stelt / wann sie **Gott** nennet / vnd viel von yhm redet /
Auch heyst das nichtt **Gott** kennen / weye man vns bis /
her gelernt hatt / das du weyst was **Gott** gepoten hat
odder sich auff's wenygst stellen als wissest du es ? Die
Juden

Juden kanden yhe Gottes namen / sie wustenn vnn
verstunden auch Gottes gesecz / vnd trieben damit ey
tel affenspiel / da sie es mit euserlichenn werckenn / dar
ynne sie sich fast vbetenn / wolten erfullenn / Nach sagt
Christus sie kennen Gott nicht / da er sprichtt Johan .
viii / Es ist meyn vatter der mich preysset / welchem
yhr ewern Gott nennet / vnn kennett yhn nichtt . Die
aber Gott recht kennenn / vnn sich recht fur seynem
gericht furchten / die werdenn also mutig wann es yhn
vbel gehet / das sie sicher vnn gewis seyn Gott werde
yhn helffen . Der glawbe gebirt ym herzen eyn sulche
sicherheytt vnn rwe / das das herze guttis muts
wird vber Gottes gnadenn / welchs die kreffte des frey
en willens keynerley weyse mugen geben / Vnn dis ist
der rechte Gottes dienst wie der . xlix . Psalm . lernt /
Ruff zu myr am tage der betrubnis ich wil dich erret
ten / vnn du wirst mich preysen / Die heyst David ni
cht Gottes dienst / messhalten / oder der gleychenn nar
ren spiel / auch keyne werck / Sondern wenn mann
Gott anrufft ynn der nott wann es vns vbel gehett /
Vnn das darumb / denn wann es vns vbel gehett / so
meynt vernunfft Gott hab vnser vergessen / vnn habe
vnser keyn acht / Der glawbe aber erweckt vnn reycztt
das herz / das es vnn Gottes mus viel halten / vnn
Gott sey yhm leyden vnd sterben neher vnd gnediger /
denn ynn gutten tagen .

Bisher hab ich etlicher massen entworffen wuryne
stehe eyn Christliche vnn ymmerliche frumkeytt / Aber
ich weys woll es wird manchem verbo:gen vnn tuns
ckel seyn

ckel seyn / mancher wirt seyn auch honisch lachen / Nun
weye sal mann yhm thunn ? Paulus hats lang zuvor
gesagt / das Euangelium sey eyn ergernis denn Ju-
den vnd eyn torheyt denn heyden. Das sollen aber
gewys seyn alle die dis verlachen / das es Christus ri-
chten wird / vnd die lesterer grewlich straffen / vnd wie
er sich hatt sehenn lassenn wie gros seyn zorn ist / da er
Hierusalem zustoet hatt / also wird er an zweyffel zu
vnserm gottlosen wesen nicht still schweygen / vnd dur-
ch die sinder sehen.

Die mus eyn yder selbs bekennen das es ein grosser
trost sey / eynem zur schlagenenn gewissen / wenn mann
die gnade predigt / Denn wie soltt eyn armes gewissen
nicht gutter ding seynn / wann es erkennett das glew-
benn ynn Christum der vnser sunde auff sich nympt /
ann alle vnser genugthung / ann all vnser verdienst /
sey die gerechtik eytt vnd frumkeyt die er von vns fod-
dert / damitt wyr yhm gefallen. Ich habe leutt kendt /
die ganz vnd gar ann yhr selick eyt verzweyfelt hat-
tenn / die weyll sie nitt all yhrem genugthunn / vnd er-
richtenn werckenn nicht mochtenn eyns augenn blicks
lang rueg ynn yhrem gewissen erlangenn / Da aber
das Euangelium widderumb yhr herze vnd die welt
erleuchte / habenn sie trost vnd gnad entpfangen / aus-
ch stercke vnd vberwindung widder yhre sunde. Also
viell ist drann gelegenn / das mann das Euangelium
recht erkenne.

Etlich stossen sich wenn mann alles dem glaubenn
B gibt /

gibt/vnd woltem lieber mann triebe die leutte auff die
werck/denn will ich geantwortt habenn/das wyr auff
dis mal nichtt redenn vonn dem glawbenn denn mens-
schliche vernunftt yh: selbs ertichtt / denn auch alle
heydenn vnnnd turckenn habenn/Sonder von der recht
schaffnen erkentnis Gottes/die do gebirt Gottes fur-
cht vnnnd andere gutte fruchte/Ober das so fodere wyr
die busse/die wu sie rechtschaffen ist/denn sunden vnnnd
bosen wercken weret/vnd zu gutten wercken reycht. Di-
se frumkheytt die ich ict beschriben habe/will Christus
habenn/ausserliche werck vnnnd was Ceremonienseyn
acht er nichtt / da er sprichtt / Das reych Gottes ist
ynn euch / Er foddert auch nichtt / die Ceremonienn
vnnnd eusserliche werck/die Gott selbs durch Mosen ge-
potten hatt/vnnnd hatt ynn vnser wolgefallen gestellt /
vnser Ceremonien seyns fleyschs vnnnd bluts/zugebrau-
chen wenn wyr wollen vnd yhrer bedurffen .

Von menschlicher gerechticheytt odder frumkheytt.

Anct Paul sprichtt der glawbe sey ni-
cht eyne gemeyne gabe aller leutte /
Derhalbenn auch die Ehrliche frum-
kheytt nichtt aller menschem ist / son-
der der alleyne / die Gott fur andern
leutten herfur zueucht / vnnnd der welt
nympt. Was wilt du nun mit dem
machenn/die dise frumkheytt des hertzen nichtt haben
sollen die

solleñ die also frey vnuerschamppt vñnd vngestraftt
thunn was sie gelustett ⁊ bis sie Gott frum macht ⁊
Bey leybe nichtt / Denn Sanct Paul lertt / Das ge
secze sey gegeben vñnd der bosen willen .

Darumb ist neben der Christlichen frumkheytt / eyne
menschliche frumkheytt / die mitt euserlichem zwan
g vñnd gewalt erhalten wird . Dise frumkheytt pflege ich
eyne kinder zucht zunnennē / wye auch S. Paul Balla
iij . das gesecze eyn zuchtmeyster nennet auff Christū /
vñnd eyn kind / sol also lange vnter dem gesecz alse vnter
furmunden seyn / bis es yn Christus erkentnis erwach
se . Diselbige kinder czuchtt ist eyn weltliche auserliche
frumkheytt / die do gutte sitten lernt / wie mann frid vñnd
eynickeytt / wan eyns dem andern dient vñnd hilfft / ynn
stedten vñnd lendern erhalten sol / Das man die ungen
kinder zu Gottes dinste / ynn furcht auffzizie vñnd ge
wene / vñnd das vnertige vñnerfarne volck / vnterrich
te / vbe vñnd treybe / auff das sie sich euserlich vñnn bo
sen wercken enthalten / als Salmon Prouer . xxvi . ge
bent / Dem pferde eyn geysel / dem essel eyn zäum / vñnd
dem narren eyn rutte auff dem rucken / vñnd prouer . xxiiij
Las nicht abe denn Knaben czu czuchtigen / denn ab du
yhn mitt rutten hewest / stirbt er doch nicht darvon /
Dieher gehort auch das schwerd vñnd weltlich gewalt
welche czur furchtt der bosen geseczt ist vñnd czur ehre
der frumen / Roma . xiiij . Vñnd dise weltliche frumkheytt
mus mann weytt vom glawben vñnd Euangelischer
frumkheytt absondern . Aber etliche predigen iczundt
die Christliche frumkheytt das sie eynn new gotlos we
B ij sen /

seyn/darneben auffrichten / Denn etliche gottlose leu-
te ertichten yhn selbs eynn glawben/vnnd rhumen sich
des Ehrstlichen titels/vnnd machen yn eyn fleyschliche
freyheytt / durch wilche sie ynn grosse funde fallen/
vnnd meynenn das Euangelium habe yhn eynn sulch
rauchlos wildes lebenn erleubett/Vnter des gehet vn-
der/aller guttenn ding versehung / der iunger kynder
hat niemant keyn acht/fallen alle gutte ordnung/vnnd
der gleychem mehr / So doch Gott will durch dise
euserliche kinder ezucht /alledie nicht Christen seyn od-
der nach schwach seynn / vnderworffen habenn / wye
S. Paul spricht Gal. ij. vnnd. iij. Im gefez Moß
gebott Gott/man solte ym cyngange des hauses die zeh-
ben gebott schreyben/auch ynn die seume der kleyder/
Wilchs nichtt anders war denn eyn kynder ezucht/da
durch dem freuel vnd furwicz der kynder/vnnd die denn
kynddern gleych seyn / geweret wurde / vnnd auff dye
weyse soll anch vnterweysett/regirt vnd gezeimet wer-
den mit gefezzen vnnd gewalt/das volck vnnd die welt
Vnnd ich halts darfur / mann habe etwann darumb
Closter gestiftett/das sie zucht schulen weren/ynn wil-
chen die kynder ezucht vnnd redlickeytt lernenn/Vnnd
wie woll dise kynder ezucht vom Gott gebottenn ist/so
macht sie doch nyemantt frum fur Gott/Sondern es
ist eynlautter betteley/das ist/ordnung vnnd sazung/
welcher wir die weyll wyr hie auff erden lebenn nichtt
mangeln konnenn/damit wyr nicht erwerbenn verge-
bung der funde/gnade/odder das vns Gott denn hey-
ligen geyst gebe/Den also sagt S. Paul Ephe. ij Aus-
gnade seytt yhr selig wurdenn durch denn glawben /
vnnd dasselb

vnd dasselb nichtt aus euch / Es ist Gottes gabe / nicht
aus denn werckenn / auff das sich yemand rühme /
Vnd wan der zusatz dreyn fellet / das man dis helt für
die Christliche frumkeyt / so hatt man Gottes vnd des
glawbens gefeylt / wie wyr denn sehenn das ynn Lof-
stern geschen ist / Darynne man dise kynder zucht ynn
eynen gottlosen vnd ertichtenn Gottes dienst verwan-
deltt hatt .

Das ist meyn meynung / die ich angezeygtt habe .
Nu will ich auch kurzlich meldenn / warynne sich die
schullerer mit diser lere stoffenn . Sie sagen wyr kon-
nen aus vnsern krefftten / vnd mit vnserm vleys / vnd
genugthum / gnade vnd vergebung der sunde ver-
dienn / durch wilche lere Christus genug thun werd
auffgehabenn / Was hatt aber die weyl das gewissenn
für trost vnd hoffnung / so wyr aus vnserm verdienst
vnd nicht aus Christus gnaden / sollen selig werden ?
Sie achten auch yn der Busse vnd yn der gerechticheyt
odder frumkeyt des heyligen geyst nicht fast sebre / son-
dern lassenn sich an yhrer vernunftt ybung genuggenn /
wilchs nichts anders ist / denn cynn lautter gleyssenn
vnd lügen / wye Paulus sagt vnd czeugt Es ist ynn
keyns menschem hercz nach nie gestigen / wenn sie seyn
alczn mall sunder vnd mangeln des preyses / den Gott
an yhn habenn solt Roma . iij .

Daraus kan man leychtlich schliessenn / ab sich der
hadder hebe vmb der wort willenn / odder ob es die sa-
che vnd noterfoddere / Das Euangelium macht fro-
lich

lich gewissem so es vergebung der sünde prediget / vmb
Christus willen lautter vmb sonst / Die schulere aber
mit yherer lere von menschlichem verdienst / treybenn
die leutte ynn verczweyfflung / Das Euangeliu lernt /
wie die hertzen reyn vnnnd new werden durch den heyli-
genn geyst / auff das sie Gott kennen / trawenn vnnnd
furchtenn Gott / Die schulere sagenn vernunfft mu-
ge das alles verdienenn / Dise vnterscheyt ist verbor-
genn / die weyll mann sie mit leyplichen augenn nicht se-
hen mag.

Vonn dem andern

stucke.

Wie woll das erste stuck billich mehr
fleys haben solt / auff das er erkand wur-
de / darumb das es nicht also leychtlich
verstanden wird / als die lere von men-
schlichen saczungen / Nach weys ich ni-
cht we es komptt / das dise lere viell
mehr rumors ynn der welt anrichtt / denn yhene / Auch
wie woll der Luther mehr treybe die lere / die wyr dro-
ben angezeygtt habenn / von der Busse / von der verge-
bung der sundenn / die vmbsonst aus lautern gnaden ge-
schickt / vom glawbenn / von der hoffnung / darynne
do leyt / we er stedts lernt vnd treybt / das haubtstucke
des Christlichen glawbens / nach seyn yher viel / die do
meynen / D. Luther lerne nichts / den wie man weltli-
chesaczung solle verachten / Vnd die selben haltenn sich
seer from vnd heylig / wenn sie Pfaffen vnnnd Monche
scheltenn konnenn / odder am freytag fleysch fressenn /
wilchs

welchs Wolffe Beeren/Hunde vnnnd Sew auch thū
Konnen / Ich wil hie vonn kurzlich meyn meynung er/
offnen. Gott sagt ynn Isaia / es sey vmb sonst das
mann yhm diene mit menschen gesezen/vnd Christus
hat den spruch angezogenn ynn Mattheo. Darumb
ist es widder Gott / das mann yrgentt eyn menschlich
geseze auffrichte/vnnnd halte fur eyn Gottes dienst/od/
der das du da durch frum werdest / Christus spruch
ist yhe klare genung / Es sey verlorin das mann yhm
wolle mit menschen geseze dienen.

Nun sind gleych wol etlich sätzung / die mann onn
sunde wol kann halten / als was gebotten ist / von key
dern/speyse vnnnd vonn dem narwerck / Dyr ist gnung
das du von dem also viel weyst (wie dich das Euange
lium lernt) das sie niemand frum machen wenn mann
sie helt/auch niemand schadenn/wenn mann sie nichtt
helt/wie S. Paul sagt/Auff das yhr euch mitt mens
chen gesezenn nichtt last martern / Doch istts nott das
mann sie helt/vmb euserlichs frides willenn/Nach der
regel/ezwingt dich ymands zu tausent schnittenn / gebe
mitt yhm nach zwey tausent/Item wer ynn der besch
neyttung beruffen ist/der bleyb also/wer vnbeschnitten
ist/der las sich nichtt beschneytten. So auch widder
umb etlich die mann onn sunde nichtt kan haltenn / Der
art ist / die vnkeusche keuscheytt / die der Papsst vonn
dem seynenn widder Gott vnnnd vernurfft foddertt /
Christus sagt es sey nichtt eyn ydern geben/vnd Pau
lus schreybt . Es sey viell besser czur ehe greyffenn
den bornen/Darumb sollen dis geseze nichtt schawen
L ij alle die

alle die sich zum ehestand zuchtig finden / Denn wid-
der Gottes wortt sal dich keyn menschlich gesecz byn-
den / Es ist nicht allen gegeben .

Belubde gelden auch nicht / ynn denn sachenn / do
mann sie an sinde nichtt halten kann / denn wye wol-
test du thun / das du gelobtest yemand zu erwurgenn
Aber der gelubde ist eyttell sinde / die keuscheyt nichtt
haltenn konnen / vnnnd die do meynen / wenn sie die mu-
nische regel halten / so seyn sie frum fur Gott / vnnnd hie
sal man frisch hindurch brechen vnnnd nicht halten / die
weyl S. Paul offentlich sagt . Es seyn lugengeyster
die denn ehelichen standt verbieten / Diser geyster hen-
cker vnnnd stadtknechte seyn die ifursten / die des Papst
regimint / vnnnd ynchristliche gesecz vertheydigen / Vnnnd
wye Micheas sagt . Der furst gepentt / so thutt es
der richter / O des erbarmlichenn bundes / O des vnse-
ligen vereynigens / die weyl die fursten sehenn / das der
Papst offentlich / vnuerschemptt widder Gott sichtt /
vnnnd es am tag ist / das der Papst eygentlich denn
glawben verachtt vnnnd vnterdruktt / vnnnd doch nichtt
bewegt werden / ybzer seelen heyl zubedencken / das sie
yhm ynn seynem greuel vnd grym dienen . Es müssen
warlich steynerne herzen seyn / die Gottes willen so ge-
ring achten vnd ynn wind schlagen .

Es ist nach dahyndenn vonn der messen / dauon ich
hie nichts will redenn / Die weyll auch die Papisten
selbs scheldenn müssen denn iarmarckt vnnnd misbrauch
/ der durch die messknechte geubett wird / wye woll
sie es

sie es yhn dennoch nicht wollen nehmen lassen .

Daraus wird E. J. B. meyn gutduncken verstehe
der Christlichen leer halben / die Got widderumb vns
vonn newes gebenn hatt / hab dis guttter zuuersicht es
werd E. J. B. gefallen / syntemal man eynem iesz
lichem nach fernes glawbens mofa soll zuhozenn /
vnnnd E. J. B. hies mich / ich soltt etwas dauonn
schreybenn / ab der auch sandigett / der das sacramentt
des altars nichtt neme . Nun kundtt ich vom brauch
der eusserlichen Ceremonien nichtt fuglich redenn / au
ch vnnn der freyheytt / aus wilcher macht wyr ybz
brauchen / vnnnd nichtt brauchen mugen / ich hette denn
die ganze sach zuhauff verfast / So gehort es au
ch myr / das ich E. J. B. der ding erymerte / daran
E. J. B. seelen selickeyt / vnd yhres landes zeytlicher
fride gelegenn ist / Horatius sagtt mann sol auch eym
blindenn folgen / wu er eym denn weg kundt weysenn /
derhalben ich E. J. B. auch bitte / sie wolte dis / wie
geringes sey / vberlesenn / das ich yhe gutter meynung
yhz hab czugeschriebenn / Mann sieht fur augenn / wie
sich die welt yber denn eusserlichen werckenn haddert /
das denn ganz ferlich ist / vnnnd alleynn ymb mensch
licher sazung willenn / wenn hie die Fursten folgenn
wolten / vnnnd yhn sagen lassenn / so wer der sach woll zu
ratten / Der gemeynn hauffe wird auff beydenn sey
ten / durch auffrurische prediger / verfurt / die auff des
Papst seyten stehen erbittern vnnnd der leutte herczenn
mit vnchristlichem predigern vnnnd schreybenn . Etlich
der falsch Lutherischen / richten allenthalbenn auff
L iij rhur

rhur an/ mit ybrenn vnuzenn/ schwermischenn / schrey
en/ wenn sie her omnes ansich hengenn / der sunst gem
etwas newes hozett / denn der heylige name des
Euangelij mus manchenn schalek deckenn / vnd eygen
gesuch menteln / Ich hab etlich gesehenn / die do sag
tenn mann solte denn zehend vnnnd andere der gley
chen/ der gewalt odder denn die vonn der vberkeytt bes
stelt warenn/ nichtt gebenn/ Solche prediger erregenn
sich vnter des/ auff beydenn seytenn / die weyll die fur
sten die hand nichtt anschlagenn / mitt vernunftigem
guttten radte der sachen zuhelffenn / Die fursten die
das Euangelium mit gewalt wollen dempffenn/ wer
denn garnichts schaffenn / Das Euangelium ist also
gethann / das es sich mitt menschlicher gewalt nichtt
lest vnterdruckenn / widderumb die aus furchtt odder
vnwissenheytt dem hauffen zuniel zu lassenn/ fordern
das Euangelium nicht / sondern stercken das wan syn
nige volck/ der welt zuschadenn. Also wann der hauffe
sich also des Euangeliums misbraucht / so thutt er
dem Euangelio mehr vnehr / denn sie auff aller her
test darwidder fechten. Derhalben soltenn die fursten
Das Euangelium predigen lassen (denn so mann das
recht predigt lernit es frid / vnnnd eynick eytt nicht auff
rhur) vnnnd werenn dem wuten vnnnd freuel des volcks
das also vnter eynen guttten scheyn also rurnert / vnnnd
will andern leutenn das yhre mit gewalt nehmen. Dar
umb tragenn die furstenn das sewerd / das sich die bos
sen fur yhn furchten sollenn Roma. xiiij. fride ist eynn
sonderliche gabe Gottes/ denn man nichtt kann erhal
ten / wenn die fursten / ynn dem das sie dem Euange
lio widder

Faint, mostly illegible text, possibly bleed-through from the reverse side of the page. The text is arranged in several lines and appears to be in a historical or legal context.

Handwritten text, possibly a signature or a date, located in the center of the page. The ink is dark and the handwriting is somewhat cursive.



leae d. Romano Pontifice locaverit. Et cu[m] interline

— Eyne Summa d' Christiden leert: die Gott yezundt widerumb der welt geben hat, An dem Landgrauen von Hessen. O. O. u. Dr. 1524. 4°. 10 unn. Bl. mit **Ti**ebord.**** (500.—)
Hpt. mit Inkunabelpapierüberzug.
Hartelder, Mel., S. 531 u. 583, 78. — Eine der drei dt. Ausgaben aus dem Jahr der lat. EA, die weder mit den bei Kuczynski und Knaake, noch den bei Weller, Rep. 3063 (dort: „der Christlichen leert: die Gott yezundt“) verz. Ausgaben übereinstimmt, so daß nicht festzustellen ist, welche nun die erste dt. Ausg. ist. Bei der ersten Begegnung Melancthons mit dem Landgr. Philipp v. Hessen in der Nähe von Frankfurt/M., mußte Mel. beim Abschied dem Fürsten versprechen, „Ihm die Summe der evang. Lehre in einer Schrift zusammenzustellen“, was hiermit auch geschah. Die schöne Titelentfassung mit den vier Evangelissensymbolen: oben Adler, Löwe, in der Mitte der aufstehende Heiland, unten links Engel und Stier, seitlich links Paulus mit Schwert und rechts Petrus mit Schlüssel. — Wasserfleckig.

Anno mundi. 6153. Anno xpi. 954.

Ioannes duodecimus papa romanus. de via la-
fretus. pontificatum occupat. Octavianus is qui
bericus enim quidam romanus civis potentissimus per
tam. per vim clero et populo illatam filium suum octavianum
Qui iohannes duodecimus appellatus est. Is vitam ne-
uato turpem in pontificatu duxit. Quippe qui propter ve-
dit) leuitatem. mulieres palam habuit concubinas. Erant
nobilitate quotannis. qui ad vetusti consilatus exemplum
perfectus ite n ex nobilitate creatus populo ius dicebat.
lis annis. xij. quibus de carconibus erat appellatio. sen-
tionibus obtinebant. Parebant vero romanis a quibus
bant omnes urbes et oppida vicina etruurie intra orbem
in urbe vergentis. Et quicquid a neapoli et a marsis re-
vltiora partem greci. partem sarraceni occupauerat. O-
tis libera ciuitate fretus. pontificium munus humeris
ibi desummi. Hac quidem indignitate moti duo cardines
crant. ut clerum populumque romanum e manibus beregarum
dicare conerent. aliter christianam fidem cum imperio peritu-
que nomine. diaconus uterque dignitate. et ordine erat. Si-
multi ytalie populi et potentes domini nobiles dederunt.
refere re per indices patefacta. Iohannes duodecimus in-
excaduit. Et cardinales diaconos naso unum. manu al-
otto in ytalia mouens urbem ingredies a iohanne hono-
coronaturque ut quidem tradunt. accepto germanie pami-
tum primum ad germanos impio. alij a leone hoc factum ex-
tulit statu ciuitatis cum iohanne secrete collocutus. eum a fla-
tem cohortabatur. Verum cum nequaquam moueri e sententia
nas conuersus. Is iudicium reformidas in siluis mo-
Interim post paucos quibus redierat menses obiit. Et ut
in adulterio deprehensus. pontificatus sui anno non
Eius vero in morte sedes dies. 12. vacat.

Benedictus quintus papa. patria romanus. ex
flex creatur. ab his potissimum qui iohanni cognati
fuerat. Cum prius otto leonem electum confirmasset. proteru-

71 A

4697





